

սովերայ և քան զտպագիծն հնդկային. ուստի յաւերժ շնորհապարտ լինիլ դատիմ գթաղ-
 ցրահամբոյր եղբայրսիրութենէ քումմէ անհատականէ, և խնդրեմ յԱնհատահոս աղբերէ
 սիրոյն առ ի յաւէտ պրկեալ պնտեալ անլոյծ և անխղելի պահել զշաղկապն իրերացս
 սիրոյ: Եւ զգիարդն բարեյաջող կացութեան Գերյարգելի Պայծառութեան ձերոյ, և ընդ
 հովանեաւ ձերով պարածածկեալ մաքրակրօն եղբարց միաբանից՝ լսեմք միշտ ի քոյայնոց
 առժամայս աստանօր նշտեհացեալ երջանկափառիցն, որոյ վասն զուարճացեալ բերկրիմք
 հոգեով չափ ևս քան զևս. բայց *medispiace*¹. զի Հայր Մկրտիչ Պետ՝ սիրագունն իմ
 յատկե[ա]լ չէ ի միջի ոչ այդր առ ի բախացուցանել զՀամեղբայրութիւնն ձեր, և ոչ
 այսր առ ի արգահատել զառանձնականութիւնն իմ ճոխաբանութեամբ իւրով. բայց
 վշտագնիմ յոյժ, զի որպէս ոգինն յոգունք, թէ նա ինքն իցէ առիթ՝ ցարգ ևս յամեցման
 և կատարունակման երկրորդ հատորի բառարանին, և հաւատամ այնպէսն լինիլ, զի ի
 մանկական տիոց հետէ մինչև ցայժմ խիստ շատ հաշարի է, որ ի փորձոց գիտեմ և կամի
 թէ յամենայն ուրեք զիւր հաշարի լինելոյն նշմարանքն ներտպաւորէ: Իսկ եթէ արդէն
 լեալ իցէ դարձ նորա բարեաւ ի Սուրբ մենաստանդ, ազգ արասջիր նմա, թէ կաթոգինն
 քո Սարգիս վրդ. կարօտանօք Ողջունէ գթեգ, և բաղձահարի իսկ՝ միւսանգամ տեսնել
 գթեգ, ուր և կամիցի նոյն ինքն Ամենայն յուրեքն, եթէ հաճելի իցէ ինքեան: Եւ զգիարդն
 պատրիարքականի փոփոխման տեղւոյս, և զիմ խղճաւոյ ճողոպրիւն յայնմանէ շնորհիւ
 Տեառն, թէ և հրաւիրումն յորդորումն և հրապուրումն իցէր չափազանցօրէն, ևս զմա-
 հուանէ Պայտեան յակրեկանն, և զյաջորդելոյ նմա Գրիգոր վրդպ.ի ուրումն՝ ըստ իմս
 վարկման ցարգ ևս զրեալք են Պայծառութեան քո լիալիր, ուստի ոչ է ճահ երկրորդա-
 բանելն վերստին. բայց սոյնս լինիցի մեծութեան քում արդեան *novita*[à]². զի Աբրահամ
 պետ առաջնորդ զմիւսնոյ՝ աշխարհածուփ, որ և էր Աեաականագոյնն ի հակառակորդս,
 մեծաւ հրաշափառութեամբ՝ Հաթտի հիւմայիւնով. և զրես թէ՛ հաւանութեամբ իսկ
 երկաքանչիւր կողմանց բոլոր ազգի մերոյ՝ աքտորեցեալ եղև ի բուն իսկ գաւառ իւր
 յԱստապատ, որոյ նաև տուտն քարչեաց և քարչէ տակաւին ընդ իւր հետեալբար զինք-
 նանման գեղձագործս ոմանս, այլ ի Տեառնէ եղև այս, և է սքանչելի յաշս մեր. քանզի
 Աբբազան Քահանայապետն Ղևոնդիոս արագ արագ, և լու ի լու պատժեաց գնոսա սքան-
 չելապէս: Եւ էջիմէրտ զրեանքն իմ հասին առ իս, թուով 195. և զձախօն վճարեցի
 Հայր Զաքարիա սիրելոյն մեր զուռ 45, փրյ. 15: Եւ յոյժ յոյժ շնորհակալ եմ զԶէնջ՝
 վասն ոչ անխայելոյ վասն իմ գաշխատանս ձեր. բայց զվէսն շնորհակալութեան իմոյ
 պահեալ ունիմ առ իս առ ի վերահատուցանել Տեառնդ՝ մինչ ի Թէսկէրէնջ նշանագրե-
 ցեալ զրեանքն հասցին առ իս: Հանուրց մաքրափայլ կրօնաւոր եղբարց կրօնաստանիդ
 Սրբոյ՝ ի մեծամեծաց մինչև ցփոքունս, սուրոյն ուրոյն Ողջոյն և Օրհնութիւն ընծայեմ
 ըստ պատուոյ և ըստ արժանաւորութեան ի Քրիստոս Յիսուս, և Սրբազան աղօթից նո-
 ցին ծարաւեցե[ա]լ կարօտիմ իսպառ, և մնամ յաւէտ կաթոգնեալ և սրտակաթ ի սէր
 տեսութեան ձերոյ. Ար և եմ իսկ

Նուատագոյն Նառայ Տեառն
 Սարգիս վրդ. և այլն:

Ի Սուրբ Լուսաւորչի Եկեղեցին
 որ ի Կոստանդինուպօլիս, 1764 հոկտ. 8

Տեառն Հայր Մատթէոս, և Տեառն Հայր Վրդանէս Արհիպանծ վարդապետաց՝
 սերտ Սիրով Ողջոյն և յարգումն ընծայեմ ի Քրիստոս Յիսուս:

1. Կը ցաւիմ:
 2. Նորութիւն: